

03/09/2002

NEF, Team anjur jamuan Netbash

FORUM Usahawan Baru (NEF) dan Persatuan Usahawan Tekno Malaysia (Team) menganjurkan jamuan perkumpulan usahawan Internet dan peserta industri teknologi maklumat dan komunikasi (ICT) dikenali Netbash dan forum interaktif sempena minggu Majlis Penasihat Antarabangsa (IAP) Koridor Raya Multimedia (MSC).

Presiden NEF, Mirzan Mahathir, berkata Netbash yang akan diadakan pada 4 September di Lake Club Putrajaya akan memfokus kepada "Malaysia Inc: Usahawan Tekno - Rangkaian yang Hilang".

Katanya, beberapa nama besar dalam industri ICT termasuk Pengerusi dan Ketua Eksekutif SG1, Bob Bishop akan mengetuai panel penceramah pada Netbash kali ini.

Netbash akan memberikan kefahaman kepada peserta bukan hanya mengenai teknologi, tokoh penting industri tetapi juga mengenai peluang dan cabaran industri.

Sementara itu, forum interaktif MSC - IAP usahawan tekno akan diadakan pada 7 September di Cyberview Lodge, Cyberjaya.